

浓浓上海闲话 唯有新民晚报

上海奥运老人

获1936年第11届奥运会“姿势优美奖”

老里八早

文/冯济民

辣伦敦奥运会开幕个辰光,我勿禁想起上海港“老码头”周钦良年轻辰光拉拉奥运赛场浪向为国增光个事体,也勾起了我搭仔老人交往个一段难忘回忆。

二十八年前,我拉拉上港六区政治处当党委秘书,组织浪要我负责核查“文革”期间抄家物品并着手发还或赔偿事体。落实政策个名单里有一个已经退休个名叫周钦良个仓库员。

一个赤日炎炎个下半天,我按照地址寻到了位于万航渡路个周家。开门迎接我个是一位风度翩翩、温文尔雅个白发老人。尽管天气炎热又辣辣屋里向,但老人却仍旧衣着端庄,满头银发梳得整整齐齐,伊就是周钦良。听我讲明来意,老人马上热情让座、端茶。谈话里向,老人来勿及提起其他抄家物品,而是急辣要求我帮伊寻回伊拨造反派抄走个几十件奖牌、奖状搭仔奖杯。谈话里晓得,老人从小热爱体育,但拉拉拨外国人称为“东亚病夫”个旧中国,赛场浪洋人趾高气扬,中国选手却屡遭淘汰。帮深深刺痛了伊幼小个心灵。乃末伊练长跑、练竞走,又搭仔同伴一道组织了竞走队。坚持勿懈个锻炼为国增光个志向终于使得年轻个周钦良走上

了领奖台。辣1930年举行个上海“万国竞走锦标赛”浪,周钦良获得冠军,伊个竞走队也荣获团体第一名。手捧奖杯个周钦良并既就此满足,更既没停步。伊决心走到奥运赛场去,为祖国争得更大个荣誉。1936年,第11届奥运会拉拉德国柏林举行。已经辣竞走界崭露头角个周钦良接到了参赛通知,随中国代表团出征奥运。就拉拉这届奥运会浪,虽然中国队惨遭“全军覆没”,吃了一只“大鸭蛋”,但周钦良个竞走却得了个“姿势优美奖”。可惜个是,“文革”当中老人年轻辰光奋力拼搏所获得个几十件奖品拨造反派洗劫一空。老人一直心痛啊,伊希望有朝一日能物归原主,了却自家个心愿。

看我听得入神,老人越讲越兴奋,还特意拿出劫后幸存个照片拨我看。看到照片浪许多精致个奖牌、奖杯跟当年英姿勃勃正辣竞走个周钦良,我勿禁对眼前帮位白发老人肃然起敬。后来我又曾好几趟去过老人屋里。伊每趟看到我,眼睛里向总怀仔期盼个目光。我深感内疚,因为伊既没办法为老人寻回失去个奖品。我晓得,帮点奖品拉拉老人个心里比性命还宝贵。

现在老人已怀着深深个遗憾而去世。伊个几十件弥足珍贵、足以记载辣中国体育发

展史浪向个奖品也永远湮没人间。但老人为中国体育走向世界所做出个贡献将一直留辣大家个心里。

我深深个怀念伊,周钦良——可敬个上海奥运老人!



周余愚(1908~1994),又名周钦良,浙江宁波人。

1908年出生于上海,我国早期体育家、著名竞走运动员,三十年代称雄体坛。绰号:“神行太保”。幼年在上海和安小学读书,中学就读于圣约翰附中,又于1926年考入上海沪江大学。

1936年代表中国参加第11届奥运会竞走比赛,排名第23位,获姿势优美奖。

沪上名人

文/邵永平



8月26号夜里逸夫舞台一定交关闹猛,因为上海说唱大师黄永生将演一场《曲苑芬芳——黄永生大家唱500期庆贺专场》。

近抢把,上海说唱大师黄永生交关贴心,记得“文革”结束后,伊个一段《古彩戏法》“毯子身浪向盖一盖”红遍上海滩,跑到马路浪向侬晓得伊叫黄永生。还有人索性【干脆】叫伊“变古彩戏法个爷叔”。当时上海说唱交关吃香,伊一日最多要赶六七只场子,根本既没出场费个概念,人家一邀请伊就到。眼睛一眨30几年过去了,现在大家改口叫伊“上海1号”!黄永生对上海说唱情有独钟,伊拿从前城隍庙梨膏糖叫卖声到潮流滑稽刘春山再到伊师傅绕口皇帝袁一灵个传统说唱进化改良,搬上舞台搭仔灌录唱片、卡带;并发明“三敲板”,拖一根红颜色长长个须须头,巧妙融入戏曲手眼身法步,伊一口“刮辣脆”个喉咙,有张有弛、有慢有快、慢而勿断、快而勿乱。伊个代表作有《热心人》、《买药》、《香烟头》等。黄永生之所以能够获得大家欢喜搭认可,是因为伊拉拉继承传统说唱基础浪向又有新个突破,关键伊摆准了创作中个“三非”关系,即:一、非唱勿可主旋律。譬如:《好市长》、《迎世博》等,既赶时髦又树正气;二、非定向创作。经过采风、体验有感而发个段子,像《做人要做13点》、《老年人想穿点》、《朋友》等;这些段子集观赏性、互动性、传播性于一体;三、非物质文化财产。像传统名段《金陵塔》、《麻将金陵塔》以及各地地方戏曲流派、山歌民谣等著名曲牌曲调,展示说唱难度技巧个同时又保留传统曲目。

黄永生退休之后还是留恋舞台,登门请教沪剧泰斗王盘声探讨上海说唱未来走向;思考哪能拿上海说唱扎实个传承下去,伊还发现人才、培养新人。伊前后收了10几个徒弟,其中关门弟子7岁个连彬尧通过黄永生言传身教,表演逐步“老茄”起来了。1999年拉拉徐汇街道文化活动中心支持下,《黄永生大家唱》正式启动,伊即兴编唱时事、大事、要事,风雨无阻、雷打勿动。迭趟第七届市代会授予黄永生为首批市文联荣誉委员称号!

即日起,登录新浪微博,关注@New上海,转发抢票微博+@五位好友,我们将抽出五位粉丝获得8月26日曲苑芬芳——黄永生曲艺大家唱500期庆贺演出票每位两张,中奖的朋友将私信联系,凭有效证件、短信于演出当天到逸夫舞台领取门票。

答题赢票

回答正确个前20位读者将获得8月26日逸夫舞台戏票一张,答题请通过邮箱:lvz@wxjt.com.cn参与,以来邮辰光先后为准。

- 1.黄永生个成名作是啥?举两只例子。
- 2.《黄永生大家唱》何年开办?啥个街道支持个?
- 3.黄永生个关门弟子叫啥名字?
- 4.黄永生近抢把“外号”叫啥?
- 5.黄永生拉拉第七届市代会获得啥个称号?

黄永生再唱『毯子身浪向盖一盖』

弄堂茄山河

闷水

文/管继平

因儿【女儿】放假要报游泳训练班,一看嗲学费价是三五百块一期,价钿大得吓人。想想阿拉从前,几分洋钿一张游泳票,大家也舍勿得买。

老早上海人有句经常讲个口头语:“黄浦江是既没盖头个!”迭个里向意思有两层:一个是依随时随地可以跳进去,包括要寻死;另一种是针对阿拉小来讲,也就是免费游泳了。因为我小辰光就住拉拉黄浦江边浪,所以也享受到“既没盖头”个好处。记得帮辰光个大热天,阿拉总归跟弄堂里个大小朋友,一道到黄浦江边去白相水。阿拉弄堂斜对面就有一只码头,左右两旁边分别是一家棉纺厂搭一家锅炉厂。过去管理比较松,也既啥人管,一帮子小囡是长驱直入,直通黄浦江。不过迭个辰光我还勿会游泳,所以只好拉拉江边浅水区白相相,碰着下半日退潮辰光,阿拉还会得拉拉黄浦江滩涂浪,用根竹筷挑小蟛蜞呢!我看几个水性好个高年级朋友像“浪里白条”,拉拉黄浦江里游来游去,邪气崇拜。记得老早摆渡钿是6分,弄堂里有一老兄,要到浦东白相,为了省迭个6分洋钿,居然一家头横渡黄浦江!尽管我常常去黄浦江边白相,不过真正学会游泳还是拉拉游泳池里。我小学辰光参加游泳培训班每场一小时买3分洋钿学生票,搭今朝碰碰二三十元一场勿好比。不过尽管个便宜,觉着天天去泳池个人还是勿多,拉拉1分洋钿都恨勿得掰成两半用个年代,大家对几分一角,还是好省就省啦。



除脱黄浦江跟游泳池,弄堂里还有一种白相水个游戏,就是闷水。“闷水”,就是用一只揩面盆装满清水,摆了骨牌凳浪,然后拿头埋进面盆水里,憋气越长,迭个人就越厉害。帮个辰光人闷水是大家互相之间寻开心首选个乐趣。比方讲,碰着啥人憋气结束要出水辰光,旁边总归有人会突然揪牢伊个头,勿让伊上来,乃末“咕噜咕噜”,伊只好大口吃水。像帮种“恶作剧”,其实风险蛮大,但当时是家常便饭。还有一种“闷水”比赛就是

两人各立一盆水前待命,做裁判个公证人看好辰光,一记:“开始”,两人豪燥屏牢呼吸拿头埋进面盆水里,啥人先出来就算啥人输脱。帮种闷水比赛顶怕裁判“帮忙”了,因为两只头一道伸进面盆内,外头个情况一眼勿晓得,有种人闷到一半,偷偷叫换一口气再继续闷下去,裁判看见也“装蠢”,葛末旁边人一口气闷得再长,照样也要输拔伊。

现在个小囡已经勿白相帮种“闷水”游戏了。

《浓浓沪语海上情》新书即将面市

本版“上海闲话”即将推出《浓浓沪语海上情——上海闲话精编》(附上海话练习题)一书,此书精心选编了开版至今版面刊出的沪语美文,更有近八百道上海话练习题整理汇集。此书将在2012年的上海书展上隆重推出,8月17日上午10:30-11:30分,上海展览中心中央活动区还将举行“编者读者见面会及新书签售会”。

《上海闲话》专版创刊于2010年3月7日,以“传承本土文化,珍爱上海方言”为宗旨,为全国唯一用书面语言表达上海方言的报纸版面。它不仅是为想学习上海话的广大读者铺

设一个讲上海话的平台,也是众多外来人士接近上海、了解上海、融入上海的一条途径,更是建设海派文化、科学保护方言的一块宣传园地。

此书签售会将邀请上海滑稽剧团副团长钱程主持,新民晚报、上海辞书出版社的领导以及钱乃荣、郑祖安、薛理勇、马尚龙、程小莹、马莉莉等沪上知名语言学家、历史专家、作家和著名沪剧演员等都会亲临现场。本报开通“上海闲话编者读者见面会及新书签售会”,预约邮箱:lvz@wxjt.com.cn数量有限,送完为止。(旅征)

沪语小词典

懂经 [dongjin]

解释:时髦,精通
上海话:伊拉舅妈着衣裳真懂经!
普通话:他的舅妈穿衣服真时髦。